

На стиховне:

Стихиры воскресные, глас 1:

Стра́стию Твоёю, Христé,/ от страстей свободíхомся,/ и воскресéнием Твоим из истления избáвихомся,// Господи, сла́ва Тебе.

Стих: Господь воцарися,/ в лепоту облечеса.

Да радуется тварь, небеса да веселятся,/ руками да восплещут языцы с веселием:/ Христос бо Спас наш, на Кресте пригвозди грехи наша:/ и смерть умертвив, живот нам дарова,/ падшаго Адама всероднаго Воскресивый,// яко Человеколюбец.

Стих: Ибо утверди вселенную,/ яже не подвижется.

Царь сый небесе и земли непостижиме,/ волею распялся еси за человеколюбие./ Егоже ад срет доле, огорчися,/ и праведных души приемша, возрадовавшаяся:/ Адам же, видев Тя, Зиждителя в преисподних, воскресе./ О чудесе! Како смерти вкуси всех жизнь;/ но якоже восхоте мир просветити зовущий и глаголющий:// Воскресый из мертвых, Господи, слава Тебе.

Стих: Дому Твоему подобает святыня,/ Господи, в долготу дней.

Жены мироносицы, мира носяща,/ со тщанием и рыданием гроба Твоего достигоша,/ и не обретша Пречистаго Тела Твоего,/ от Ангела же уведевша новое и преславное чудо,/ Апостолом глаголаху:/ воскресе Господь,// подая миру велию милость.

Слава: русских святых¹, глас 2:

Новый доме Евфра́фов,/ уделе избáнный,/ Ру́сь Свята́я,/ храни веру Правосла́вную,// в нейже тебе утверждéние.

¹ Существует обычай петь стихиры «Земле Русская...», «Церковь Русская...», «Соборе святых русских...», «Новый доме Евфрафов...» как одну стихиру (поряд, без стихов) на «Славу»:

Земле Русская,/ граде святы́й,/ украша́й твой дом,/ в нёмже Божéственный// вéлий сонм святы́х просла́ви.

Цéрковь Ру́сская,/ красуйся и ликуй,/ се́ бо ча́да Тво́я/ Престо́лу Влады́чню// во сла́ве предстоят, ра́дующеса.

Соборе святы́х ру́сских,/ пóлче Божéственный,/ молитесь ко Го́споду/ о земном отечестве вашем// и о почитающих вас любовью.

Но́вый доме Евфра́фов,/ уделе избáнный,/ Ру́сь Свята́я,/ храни веру Правосла́вную,// в нейже тебе утверждéние.

И ныне: Богородичен воскресный, глас 2:

О чудесе новаго всех дрéвних чудес!/
Кто бо позна мать без мужа
рóждшую,/ и на руку́ носящую, всю тварь Сoderжáщаго?/
Божие есть изволение Рóждшееся./
Егоже, яко Младенца, Пречíстая,/ Твои́ма рукама но-
сívшая,/ и Матернее дерзновение к Нему имúщая,/ не престай молящи о
чтúщих Тя, // ущедрити и спасти души нáша.

Богородице Дево: **Дважды.**

Тропарь русских святых, глас 8:

Якоже плод красный Твоего спасительнаго сéяния,/ земля́ Российская при-
носит Ти, Господи,/ вся святыя, в той просиявшия./ Тех молитвами в мире
глубóце // Церковь и страну нашу Богородицею соблюди, Многомíлостиве.
Единожды.

Псалом 33:

Благословлю Господа на всякое время,/ выну хвала Его во устех моих./ **О**
Господе похвалится душа моя,/ да услышат кротцыи, и возвеселятся./ **В**оз-
величите Господа со мною,/ и вознесем Имя Его вкупе./ **В**зысках Господа, и
услыша мя,/ и от всех скорбей моих избави мя./ **П**риступите к Нему, и про-
светитесь,/ и лица ваша не постыдятся./ **С**ей нищий воззва, и Господь услы-
ша и,/ и от всех скорбей его спасе и./ **О**полчится ангел Господень окрест
боящихся Его,/ и избавит их./ **В**кусите и видите, яко благ Господь:/ блажен
муж, иже уповает Нань./ **Б**ойтесь Господа, вси святии Его,/ яко несть лише-
ния боящимся Его./ **Б**огатии обнищаша и взалкаша:/ взыскающии же Госпо-
да // не лишатся всякаго блага.